

I. N. 3  
 DISSERTATIO THEOLOGICA,  
 DE

**VI ET EFFICACIA  
 VERBI DIVINI,**

Quam

Consent. Max. Vener. Facult. Theolog.

In Reg. Acad. Aboënsi,

Sub MODERAMINE

**D:N JACOBI GADOLIN,**

S. S. Theol. DOCT. & PROFESS. Reg. & Ord.

Nec non Reg. Acad. Scient. Svec. MEMBRI,

AUCTOR

**JOHANNES SELEEN,**

V. Lector Schol. Cathed., & Theol. Docens,

*Publicæ Disquisitioni subjecit,*

*In Audit. Superiori Die XV. Aprilis, Anni MDCCCLXIX.  
 Tempore ante meridiem solito.*

ABOÆ,

Impressit JOH. CHRISTOPH. FRENCKELL,



## PRÆFATIO.

**M**agnum est bonitatis & misericordiae divinæ documentum erga genus humanum in misericordiam lapsum, quod eidem in tenebris erranti & ad interitum properanti, verbum suum tanquam lucernam pedibus nostris & lucem in semitis nostris, benignissime largitus sit. Ex eo enim, non solum veram rationem lapsus corruptionisque & misericordiae inde ortæ percipimus, verum etiam quæ pacis, reconciliationis & restitutionis consilia Ipse quoad nos iniverit. Quis ergo cogitabit, illud ceu depositum cœleste & pretiosum thesaurum ab omnibus non sancte æstimari? Ast contrarium proh dolor! docet experientia. Ut enim de iis, qui illud usque adeo negligunt, ut ne quidem de eo quære re studuerint, nihil jam dicamus, dantur quoque, qui nulla non ratione illud contemnere, vel errorum defectuumque arguere ausi sunt. Sic Alii illud totum, quod jam in Sacris Pandectis continetur, inuste invadunt; Alii hanc illamve ejus proprietatem dubiam reddere, vel prorsus impugnare conati sunt. Et quemadmodum inter cæteras ejus proprietates eminet ipsa *Vis & Efficacia ejus singularis & divina*, ita neque defuerunt, qui eam haud uno modo infestare adgressi sunt. Alii enim vix aliam, quam quæ verbo cuiuscunque humano communis est, illi concedunt; Alii vero, qui aliquanto majorem largiri videntur, nihilo tamen minus perverse de ea

ea sentiunt, inconvenienter eam interpretantur; si que haud parum veritati & dignitati ejus detrahunt. Neque vero hoc malum olim tantum, vel antehac compertum est, sed nostro adhuc ævo proh dolor! existit. Sicut autem veritati cœlesti nunquam defuere hostes & adversarii, ita neque laus sit DEo! qui illis fortiter se opposuere, hostesque veritatis victricibus armis feliciter repulerunt; Quamquam hi etjam postea se erigere bellumque renovare conati sunt. Hinc neque unquam securis nobis esse licet, sed potius semper vigilias agere, armaque alaceriter capere debemus. Nos quidem, missis jam cæteris, quæ hic pertinere possent, ipsam *Vim* & *Efficaciam verbi divini*, paucis, quantum vires pro occasione, permiserint, exponere & defendere b. c. DEo constituimus. Sicut autem animus conatusque noster in hoc innoxius est, ita etjam tuam, L. B., æquam interpretationem, qua par est modestia, ex petimus certoque speramus.

## S. I.

**P**er verbum DEi revelatum, intelligimus ipsos conceptus mentis divine, prout nobis per certa signa sunt patefacti. Signa vero, quæ verbum propriè sic dictum efficiunt, sunt imprimis duplicita, nim: vel Sonus articulatus s. viva vox, vel certis characteribus s. literis exarata vocabula, quæ visu percepta atque intellecta, ideas in mente excitant; adeoque haud secus ac viva vox, certum producunt sensum. Verbum ergo hoc, priori respectu & sensu strictiori dici potest προφερεῖν s. *Prolatitium*; Posterior-

steriori vero, *τεραπλέον* s. *scriptum*. Hoc verbum porro sumi solet vel *Materialiter*, quatenus videlicet ipsæ literæ, verba & Libri in se spectantur, quæ quidem sunt vehicula *Sensus θεοπνευστος*; Vel etiam *Formaliter*, pro ipsis conceptibus mentis divinæ, sine respectu modi vel mediorum manifestationis; Vel denique *Complexe*, prout tam *Sensum laudatum*, quam media vel signa quibus manifestatur, simul complectitur. Cum autem verbo DEI *Vim & Efficaciam divinam* adsignamus, facile intelligitur, illud neutiquam *Materialiter* sumi; Superstitiosum enim esset, rebus materialibus virtutem divinam adscribere; Sed sumitur tum *Formaliter*, quatenus ipsum conceptum mentis divinæ, vel *Sensum θεοπνευστον* designat; hic namque *Sensus*, est ipsa essentia verbi divini.

## §. II.

**H**is præmissis, proximum est ut *vim*, quam verbo DEI adjudicamus, declaremus. *Vis generatim* consistit in continuo agendi conatu, vel nisi ad agendum; ideoque rationem sufficientem actionis iplusque effectus in se continet. Per vim ergo verbi divini, intelligimus illam ejus affectionem, qua, ex ordinatione *Auctoris Summi*, continue nititur agere; adeoque per se aptum est ad effectus intentos in boni-nibus producendos.

## §. III.

**Q**uod autem verbo divino talis *Vis & Efficacia*, qualem descripsimus, vere competit, fatis patet tam ex perfectionibus divinis, quam ex ipsa conditione hujus Verbi. Auctor ejus Deus, non solum in se sum.

summa & infinita gaudet potentia, sed etiam vi bonitatis & sapientiae suae immensae, ordinavit verbum suum in verum salutis nostrae procurandae medium; Adeoque non potuit non illud tanta instruere vi & Efficacia, quanta ad finem ejus requirebatur. Ipsum autem verbum hoc, non esset nobis verum medium salutis, nisi virtute divina singulari gauderet. Habet verbum hoc ipsum Spiritum Sanctum semper & necessario secum unitum, qui quidem non potest non vim & operationem suam per illud exserere. Hinc etiam dicitur illud πνεῦμα τοῦ ζωῆς, Joh. VI: 63. Δύναμις τοῦ Θεοῦ. Rom. I: 16. & qui verbo huic resistunt, ipsi Spiritui Sancto resistere dicuntur, Act. VI: 10. VII: 51. Evincitur itaque virtus verbi divini quoque ex certissimis fatisque emphaticis testimoniosis Ipsius Spiritus Sancti Ps. XIX: 8. sq. XXIX: 3. sq. Es. LV: 10, 11. Jer. XXIII: 29. Joh. VI: 63. Act. XIX: 20. Rom. I: 16. 1 Cor. II: 4. 2 Cor. II: 15, 16. 1 Pet. I: 23. Ebr. IV: 12. & quæ sunt alia longe plurima. Porro convincimur de vera virtute hujus verbi exinde, quod ab Ipso Auctore ejus veracissimo comparatur cum rebus longe efficacissimis, in quibus sua natura inest interna quædam vis operandi; Quales quidem sunt Semen Luc. VIII: 11. 1 Pet. I: 23. Ignis Jer. XXIII: 29. Cibus & alimentum 1 Cor. III: 2. Ebr. V: 12. Lumen 2 Pet. I: 19. Pluvia, ros & nix Es. LV: 10, 11. Itemque rebus, quæ in ipso usu vim singularem exserunt: utpote Malleo Jer. XXIII: 29. Gladio Eph. VI: 17. Imo gladio ancipite Ebr. IV: 12. & quæ sunt alias ejusmodi. Ulterius elucet virtus & Efficacia

hujus Verbi, ex singularibus & admirandis effectibus, qui illi ab Ipso Auctore ejus adsignantur: Quales quidem sunt ipsa *Vocatio hominum ad veram Ecclesiam* 2 Tim. I: 9, 10, 11. *Illuminatio eorum* 2 Pet. I: 19. *Conversio illorum ad Deum.* Jer. XXIII: 22. *Regeneratio* 1 Pet. I: 21. *Justificatio* 2 Cor. III: 9. V: 12. *Renovatio & Sanctificatio* Joh. XVII: 17. *Conservatio in Statu gratiae* Psal. CXIX: 11. Et denique *actualis eorum Silvatio*, Jac. I: 21. Quum vero hujusmodi operationes & effectus tam Spiritui Sancto, quam verbo divino attribuantur, observandum omnino est, quæ utrinque operandi ratio, & quomodo ista utriusque competant; nim: Spiritus Sanctus & verbum hoc, neutiquam sunt *Causæ Sociæ*, quæ habeant separatas vires, quibus conjunctis ad effectum concurrant; Sed sunt *Causæ Subordinate*, quia Spiritus Sanctus est *Causa Principalis*, cui virtus divina originaliter & independenter competit; Verbum autem DEI est *Causa Subordinata*, cui virtus hæc non nisi *communivative* & *dependenter* inest; quippe quum eam a Spiritu Sancto, intime secum unito & semper per illud operante habeat. Denique *vim & Efficaciam verbi divini testantur* varia luculenta ejus specimina, quæ in his illisve hominibus sub ejus lectione vel auditione comperta sunt. Sic constat de *Homine Athiope*, quod cum legisset Prophetiam de Christo, atque accedente orali informatione, percepisset Sensum Θεοντευσον, ex tempore ad fidem Christianam sit conversus, Act. VIII. Pariter etiam contigisse notum est *Auditoribus Apostoli Petri*; Qui dum in maximo

ximo cœtu audirent verbum DEi ab ipso prædicari, non solum mox efficacem compunctionem cordis exinde senserunt, verum etiam re ipsa adi DEum conversi Ecclesiæque Christianæ inserti sunt, Act. II: Hisce addi potest communis experientia virtutis verbi hujus. Non enim nobis persuademus, ullum esse hominem, qui sub lectione vel auditione verbi DEi, divinam ejus virtutem, licet dissimilem, non sensebit; Aut enim est odor mortis ad mortem, aut odor vitae ad vitam. 2 Cor. II: 15, 16.

## §. IV.

**C**um vero sic vim & efficaciam singularem verbo divino vere competere demonstravimus, necesse sum est, ut jam in ipsam quoque naturam & qualitatem virtutis ejus paucis inquiramus. Quod ergo vis ejus non humana, sed vere divina censenda sit, ex dictis facile intelligitur. Vis enim humana dicitur, quæ hominibus eorumque verbis & actionibus competit, modo his convenienter operatur, & ex effectibus ut talis agnoscitur. Vis autem divina e contrario est, quæ a DEo est & dependet, modo Ei convenienter se exserit, effectusque origini correspondentes producit. Jam vero verbum DEi neque ab hominibus est, sed a DEo, qui verus & unicus ejus est Auctor; ideoque a nullo alio quam ipso, vim suam habere potest; Deinde neque modo debili vago ac incerto, verbis humanis conveniente, sed potius supernaturali & divino operatur; Quippe quum ipsum Spiritum Sanctum semper secum unitum habeat, qui quidem non potest non illi

livim constantem addere; Quapropter etiam in S: a S:a laudatur ut אמרת יהוה צְרוֹפָה 2 Sam. XXII: 31. ut קול יהוה דבר Ps. XXIX: 4. ut דבר יהוה כהֶרֶר 1 Reg. II: 27. & operatio hujus verbi dicitur operatio divina, Marc. XVI: 20. Luc. XXI: 15. A&t. VI: 10. 2 Thess. II: 5, 13. Effectus denique, quos producit verbum DEi, tales sunt, ut a vi finita, quæ hominibus eorumque verbis competit, nunquam exspectari possint; quemadmodum ex illis, quæ in §. præced. allata sunt, satis perspicitur. Hinc etiam Apostolus verbum hoc, a quo vis verbo humano sollicite distingvit, & vere divinum esse adserit 1 Cor. II: 4, 5. 1 Thess. II: 13.

## §. V.

**P**otentia Subjectiva dicitur principium agendi, quod inhæret Subjecto vere ac realiter. Potentia autem Objectiva vocatur principium agendi, quod non quidem repugnat Subjecto, sive quod in Subjecto non quidem habet contradictionem ad esse, verum tamen Subjecto isti vere ac realiter non inhæret. Sic Ερμαῖοι λόφοι non sua natura possident vim demonstrandi itinera viatoribus transeuntibus, sed ex recepta consuetudine & velut pacto quodam inter homines initio factum est, quod juvante imaginatione & memoria, significandi potentiam objectivam hanc habeant. Idem dicendum est de verbis, si eorum materiam species, quod quilibet facile largitur. Hinc sequitur, etiam verbum divinum Materialiter consideratum, habere Potentiam Objectivam. Ast quoad Formam spectatum, habet hoc insuper Potentiam Subjectivam. Neque enim verbum hoc instar objecti vel

\*) \* 9 \*) \*

vel Signi cuiusdam externi, indicat tantum vel ostendit hominibus rem signatam h. e. mentem, voluntatem & consilium DEi de credendis & agendis, sed simul quoque vi singulari instructum est, tam veram eorum perceptionem, quam actualem executionem in hominibus excitandi ac efficiendi, & ista quoque revera operatur. Neque enim sufficit hominibus intime corruptis, hæc ipsa velut externe & elonginquo indicari & proponi; Quippe quum in illis jam a se & in se spectatis nulla detur ejusmodi capacitas & aptitudo ad ista percipienda & exsequenda, quæ ad finem intentum hic sufficeret. Sunt enim hi jam a se, non solum quoad Intellectum in rebus spiritu-alibus cæci, ignorantes, præjudiciis occupati, sive per omnia errantes Eph. IV: 18. Rom. III: 11. seqq.; Quoad Voluntatem ab omni bono morali aversi & ad contraria mala toti propendentes: *Adfectibus inordinatis* turbati; Adeoque velut interno impulsu ad mala quævis ruentes Gen. VIII: 21. Rom. VII: 7. VII: 14. seqq. III: 12. Quis ergo ab his, ut talibus, exspectare posset, ut a se res antea incognitas, rationi in-evidentes, imo carni & sanguini ingratas, vel rite percipere, vel prout par esset, exsequi studerent? Annon potius requiritur, ut ipsum verbum eas proponens, non solum Vim & Efficaciam, quæ hic requiritur, necessario in se contineat, sed etiam eam in hominibus, quibus proponitur, ita exserat, ut per eam ad veram illarum perceptionem atque executionem pervenire possint; Inprimis quum finis ab Auctore ejus hic intentus cæteroquin nunquam

ab illo obtineri posset. Hinc etjam verbum DEI dici-  
tur in se : קול יהוה בחרן Psal. XXIX: 4. & דבר מצליח  
Esai. LV: 11. dicitur ζων καὶ εἰρηνής Ebr. IV: 12. εἰρηνή-  
μενοι ἐν πατέραις. 1. Thess. II: 13. imo οὐρανοῖς  
σῶσαι λας ψυχάς Jac. I: 21.

## §. VI.

*V*is quæ moraliter, h. e. certis motivis naturæ  
hominum morali convenienter se exserit, *Mora-*  
*lis* dicitur. Hinc ergo mox patet, *Vim* verbi divini  
quoque *Moralem* esse, quatenus eo modo operatur.  
Disceptatum vero est de eo: Utrum hæc *Vis* verbi  
divini sit *mere Moralis*, An vero simul magis quid  
involvat & *supramoralis* sit. Cum vero *Vis* *mere*  
*Moralis*, præter argumentorum Moralium s. Motivo-  
rum propositionem, nihil efficit, neque ad effectum  
producendum quidquam insuper conductit, facile pa-  
tet, eam non nisi in rebus humanis s. quæ in viri-  
bus hominum semper sunt positæ, sufficere; neuti-  
quam vero in rebus supernaturalibus & divinis,  
quæ ab hominibus ipsis neque rite percipi nedum  
effici possunt; Sed requiritur omnino in his Vis quæ illam  
antecellit, adeoque singulari quodam & supernatu-  
rali influxu ad ipsum effectum producendum con-  
currit, impedimenta in se haud insuperabilita re-  
movet, aptitudinemque ad percipiendum & efficiendum  
simil confert; Atque sic veram & sufficientem effectus  
producendi rationem in se continet. Probatur au-  
tem hæc ipsa *Vis* verbi divini vel exinde, quod illud  
nunquam sit, vel existere possit sine Spiritu Sancto,  
qui semper cum illo unitus est, & virtutem suam  
per-

per illud operando exserit, id quod in casu op-  
posito poni non posset. *Deinde*, licet in verbo di-  
vino ejusmodi Moralia persuadendi & commovendi  
principia adhibeantur, tantum tamen abest, ut *Vis*  
*eius propterea mere Moralis censenda sit*, ut potius  
veritas sua nihilo minus constet *Canoni isti antiquo:*  
*Unius positio, non est alterius exclusio.* Porro, posita  
*Vi* verbi hujus *mere Morali*, necessario quoque po-  
nenda eset in hominibus ejusmodi aptitudo & ca-  
pacitas, ut a se ipsis possent non solum ad adten-  
tam & devotam ejus usurpationem se adipicare, ve-  
rum ejus *Sensum* ubique percipere, adeoque etiam  
singularem adsensem illi præbere: Sed etiam postea  
vere & constanter illi adhærere, totos se ad normam  
ejus componere, sicque omnia ejus dictamina actu  
observare & exsequi; Quæ tamen conditionem vi-  
resque hominum quales nunc sunt, longe transcen-  
dunt; Inprimis quum inter *Facultatem eorum cognoscendi* naturalem & corruptam, & *Objecta Supernaturalia*, non solum nulla detur proportio, sed multa  
quoque maximaque adsin impedita, quæ tam  
justam eorum cognitionem & assensem, quam ad-  
probationem & executionem reprimunt, prout su-  
pra jam ostendimus. Accedit, quod omnis *Vis Mo-*  
*raliter agens*, necessario requirat justum tempus &  
ordinem successivum, antequam se exserere possit:  
Adeo ut ex verbi usurpatione oriatur primum *suffi-*  
*cens rei propositæ cognitio*, ex cognitione certa *con-*  
*victio*, ex convictione firmus *assensus*, ex *assensu* ve-  
ro *commotio voluntatis ad adpetitum vel averstationem*;

Quocirca superanda simul sunt valida illa impedimenta, quæ ab hostibus Spiritualibus magno numero offeruntur atque opponuntur piis, per verbum divinum excitatis conatibus, si tandem sequetur effectus salutaris. Sed prostant varia exempla, in quibus magis subitanea *Vis verbi divini* elucet, quam per longas mere Moralium persuationum moras videtur fuisse possibilis; Conf. Exempla, Jon. III: 4, 5. Math. IX: 9. Act. II: 37. IV: 4. VIII: 35. seq. X: 44. XVI: 14. *Imo*, quæ & quanta sit differentia inter *Vim verbi mere Moralem*, & quæ eam transcendent. *Supramoralem*, optime declararunt Samaritani, qui fvasi mulieris contribulis, accedentes ad JEsum & auditentes verbum ejus, expresse testati sunt se credere in Illum, non propter verba mulieris: hæc namque *Vim mere Moralem* habuerant; Sed propter verba Ipsiœ Salvatoris, utpote quæ *Vim excellentiorem & effectivam* continebant, Joh. IV: 41, 42. *Præterea*, assumta *vi verbi mere Morali*, nulla esset differentia inter verbum humanum & divinum, quatenus utrumque æqualem haberet *Vim & Efficaciam*; Cum tamen, ut cætera taceamus, ex verbo humano oritur tantum *Convictio & fides humana s. historicæ*, ex verbo autem divino *Convictio & fides divina ac salvifica*. Joh. XX: 31. Hinc etiam dicitur hoc verbum חַדְרָה חַמִּתָּה מִשְׁבַּת נֶפֶשׁ עֲרוֹת נָאָמָנָה מֵחַכִּית בָּרָה פָּתִי בְּקוֹדּוֹם וְשָׂרֵם מְשֻמְחוֹ לְבָ כַּזְוָה בָּרָה מָאוּרָת: Psal. XIX: 8, 9. Denique etiam ipse Apostolus *Vim verbi mere Moralem* aperte distinguit a *vi ejus supramorali*, illamque ut insufficientem rejicit

rejicit, hanc vero ut genuinam verbo divino adfignat. I Cor. II: 4, 5. I Thess. I: 5, II, 4, 5, 13.

## §. VII.

**V**is, quæ certum agendi ordinem, certamve conditionem in operando respicit & ad illa adstrinquit, *Ordinata* appellatur; Quæ vero præter vel supra omnem ordinem conditionemve est, nec quidquam postulat præter absolutam possibilitatem, *Absoluta* audit. *Vis* ergo verbi divini non est *Absoluta* sed *Ordinata*. Cum enim verbum hoc sit verum Salutis medium a DEo constitutum, DEus autem Ipse in negotio Salutis secundum Potentiam suam Absolutam non agat, neque agere possit: Sequitur quod neque huic verbo suo *Absolutam Vim* tribuerit; Sed ut Ipse certum hic respicit ordinem a Se constitutum, certamque hominum conditionem, ita etiam verbum suum his convenienter *Vim suam* exferere voluit & decrevit. Hoc ipsum requirunt Summæ Ejus Perfectiones, quas quidem velut certam Legem necessario observat: Ipsa libertas hominum s. natura eorum libera, quæ cæteroquin tolleretur; & denique ipse modus salvandi Creaturis rationalibus conveniens. Hinc fit, ut verbum hoc, non nisi in certo ordine, & velut per certos gradus, *Vim suam* exferat, prout Ipse Auctor ejus id innuit, dicens: הנה בתהי רכרי היום הזה על הגוים ועל הממלכות בפיך: ראה הפקתיך היום הזה על הגוים ועל הממלכות: לנחות וליתורך ולהאכזר להרים לבנות ולנטוע: Jer. I: 9, 10. conf. Act. XXVI: 17, 18. Hoc etiam exemplum Marc. IV: 26. seq. & ipsa quoque experientia satis testantur.

## §. VIII.

**Q**uod si *vis aliqua* nullis impedimentis ab agendo effectuque intento producendo detineri vel reprimi potest, *Irresistibilis* dici solet; In *casu vero* opposito *Resistibilis*. Cum ergo *Vis verbi divini* non sit *Absoluta* sed *Ordinata*, prout in §. præced. demonstravimus, sequitur quod neque *Irresistibilis* sit, Sed *omnino Resistibilis*. Qvum enim DEus hoc verbum suum in negotio Salutis adhibens, certam observet Legem, Ordinem, Media eorumque Usum, & Conditionem denique hominum, facile intelligitur, quod sub ipso usu ejus, ex culpa hominum, plurima existere possint *Impedimenta*, & quidem tam *Imperfecta*, quæ vim ejus retardare possunt, quam *Perfecta*, quæ illam prorsus reprimere valent; Adeo ut fructum & effectus intentos producere non possit. Ad *impedimenta imperfecta* referenda est quoque ipsa *corruptio hominum naturalis*, quatenus ea omnibus illis communis est, & revera quidem *Vim verbi divini* reprimere conatur, sed ita tamen, ut ab hac superari possit, & revera quoque superetur; Quippe qvum cæteroquin hæc in nullo homine ulterius progredi posset, sed necessario in primo gradu subsisteret. In hoc ergo gradu, & respectu hujus impedimenti, ut *Irresistibilis* spectatur. Quæ vero *impedimenta* post illud, ex malitia & morositate existunt, eatenus ut *insuperabilia* considerantur, quod *Vim verbi* jam ita reprimant, ut ulterius se exserere non possit, nisi ista per vires gratiæ, hactenus per verbum collatas, tollantur & removeantur. Atque hinc etiam fit,

ut

ut *Vis verbi divini* diverso respectu & *Resistibilis* & *Irresistibilis* dicatur, Act. VII: 51. coll. cum Cap. VI: 10.

## §. IX.

**V**is, quæ alicui rei non constanter, sed per certa tantum intervalla competit, vel in his illisve casibus se exserit, *Temporaria* dici potest; Cui proinde opponitur *Vis Constandens & Perpetua..* Vis ergo verbi divini non utique *Temporaria* est, sed potius *Constandens & Perpetua*; Quemadmodum constanter & perpetuo Pater misericordiæ DEus vult omnes homines notitia veritatis imbuere, atque per fidem verbo innixam salvare. Accedit, quod ipse quoque Status hominum talis sit, ut, si modo salvabuntur, nunquam, quamdiu hanc degunt vitam, hoc *verbo* ejusque *Efficaci operatione* carere possint; Unde sequitur, quod, quia illud in verum & continuum Salutis medium illis ordinatum est, *constanter* quoque Vim & *efficaciam* suam in illis exserat. Non ergo circa initium tantum Conversionis hominum se prodit, ut Quidam inepte opinati sunt; Sed etiam postea ipsam continuationem, progressum & consummationem ejus *æquali operatione* efficit & promovet. Hinc Apostolus satis emphatice adfirmat quod DEus sit non solum ὁ Εὐαγγέλιος τοῦ Ιησοῦ αὐτοῦ in nobis, verum etiam ὁ επιδεσμός αὐτοῦ. Phil. I: 6. Hoc certe non sine verbo, sed per illud operatur & agit. Ideo etiam David ingemuit סמְבִנֵּי קָמְרָתֶךָ וְאַל תִּבְשִׁנֵּי מִשְׁבָּרוֹ: Ps. CXIX: 116.

## §. X.

**U**ntrum *Vis verbi divini* dicenda sit *Naturalis* an *Supernaturalis*, vel alio quodam termino expri-  
men-

menda, inter Theologos quæri solet; Sed ob Ambiguitatem *Vocis* varie ad hoc respondetur. Si videlicet per Vim Naturalem ista intelligitur, quæ per ipsam rei constitutionem primam ipsi competit, & consequenter necessario illi inest, nihil obstat quo minus eo respectu *Naturalis* dici possit. Cum enim Deus primum vellet verbum suum esse, voluit simul quoque illud *Efficax* esse. Quod si vero *Naturale* dicitur, quod a natura rerum creatarum communi ejusque operationibus dependet, tum utique non *Naturalis*, sed *Supernaturalis* dicenda est Vis verbi divini. Quod vero adtinet ad terminos *hyperphysici* & *physico-analogi*, quos nonnulli hic ad ambiguitatem tollendam, prioribus illis substituendos voluere, certe fieri ejusmodi vocabulis inusitatis & vagis illi nihil hic proficiunt, nisi ad fixum significatum hæc perdant.

## §. XI.

**Q**uamquam verbum Dei in se nunquam non *Vivum* est & *Efficax*, interim tamen, si Vim & *Efficaciam* suam re ipsa in hominibus exserere poterit, requiritur necessario *verus* & *legitimus* ejus *Usum*. Hic autem in eo consistit, ut *pure*, *justo ordine* & cum *adcurata adlicatione* proponatur, nec non ut *debita cum attentione*, *meditatione atque animo obsequendi recipiatur*. Sicut enim Medium quodlibet necessario requirit usum convenientem, si effectum intentum producit, ita etiam verbum Dei, quod *verum* est *Salutis Medium* ab *Ipsius* institutum, necessario ejusmodi *Usum* requirit. Neque enim immedia ta vel extraordinaria operatio divina exspectanda est,

est, ubi *Media Ordinaria* eorumque *Usus* locum habent. Ubi vero *ius* & *legimus* *Usus* hujus verbi obtinet, ibi non potest non effectum salutarem producere, sicut ex supra demonstratis & ipsa experientia certo constat. Hic autem jam suboritur Quæstio: *A non verbum DEi etiam ante & extra Usum vim divinam habeat?* quam quidem a Theologis communiter adfirmatam comperimus; Re autem penitus examinata, ab illis forte tantisper discedere licet. *Extra Usum* videlicet verbum DEi tum est, cum neque *Materialiter spectatum*, oculis usurpatur auribusve infunditur; neque *Formaliter consideratum* menti sistitur. *Priori modo sumtum verbum*, neque *Intra* neque *Extra Usum* habet Vim divinam per §. I. Superstitiosum namque diximus esse ejusmodi quid fingere; Sic enim magicis characteribus, quæ nullas rerum notiones menti ingerunt, *Virtutem Præternaturalem* adsingunt homines profani. *Ast posteriori modo dictum verbum*, *Extra Usum positum*, manifesto est εἰδησεγχυτον. Est enim *Contradiccio in adjecto*, ponere verbum *Formaliter spectatum*, h. e. notiones per verbum in mente excitatas existere, & simul easdem notiones in mente excitatas non existere. Itaque, cum neque per *divinam Omnipotentiam* id præstari possit, quod in se *Contradictionem* involvit, concludendum est, verbo DEi *Extra Usum* non tribui posse ejusmodi *Virtutem*. Qui vero hic dissentiant, & verbum DEi etiam *Extra Usum* dicunt *Vi divina præditum esse*, *Actu* videlicet *Primo*, quamvis eam *Actu Secundo* non exferat, nisi in *Ipsa Uso*;

Hi quidem sententiam suam exinde probare conantur; quod Verbum DEi cum Semine comparatur, Quod quidem semper pollet Potentia in fructus erumpendi, licet eam *Adu Secundo* non demonstret, priusquam in terram idoneam satum fuerit. Hi vero Similitudinem inter *Res Comparatas* justo longius extendunt, & singunt verbum *Formaliter spectatum*, h. e. notiones verbo divino excitatas, Extra *Usum*, nescio ubi existere, quemadmodum Semen non satum alicubi existit; Adeoque non adtendunt hi, hominem quemcunque tum omnino facere *Usum verbi*, cum notiones verbo excitatas, mente sua foveat. Quod vero ad merita caussæ adtinet, adassertio *Orthodoxorum* communis neutiquam adversamur. Etenim dum ponimus *Verbo divino* necessario inesse *Virtutem divinam*, prono inde fluit alveo: *Verbo divino*, in quacunque *Potentia Remota* considerato, semper competere vim divinam in *Potentia non Remotiori*, Sed *equaliter Remota*. Quod vero vim & operationem verbi divini in *Ipsa Uso* concernit, observandum, quod quia ea neque *Mechanica* est neque *Mechanice* agit, sed *Moraliter* vel rectius *Supramoraliter*, sequitur, quod neque *Physico* vel quocunque *Palpabili modo* sentiri possit, sicut nonnulli, qui vim verbi divini ex sua experientia negare visi sunt, frustra existimavere; Sed sentitur potius modo, qui indoli virtutis ejus convenit: Adeoque interna & supernaturali intellectus illuminatione, Efficaci coniunctione, voluntatis valida flectione & commotione ad credenda & agenda; & quidem ita, ut nisi impedimentis supprimatur, effectum intentum revera producat;

ducat; Sicut ea ab Ipso Auctore ejus declaratur Act. XVI: 14. II: 41. Hos. II: 14. Joh. VI: 44. Psal. CXIX: 4. 5. seqq. & piorum experientia testatur.

## §. XII.

**C**aussa cur verbum DEi, quod semper in se *Vivum est & Efficax*, non tamen semper & in omni casu, æqualiter Vim suam exserat & æquales producat effectus, non proinde quærenda est in ipso verbo, sed in hominibus qui illud usurpant, ipsisque ejus usurpationis modo. Sicut enim Effectus verbi divini salutares dependent ex *Usurpatione ejus iusta & legitima*, ita contra Defectus eorum ex neglectu vel perversa ejus adhibitione. Ubi enim illud vel prorsus negligitur, vel perverse adhibetur, adest Efficax Impedimentum eidem obsistens, adeoque frustra tum exspectatur effectus salutaris. Impedimenta vero hujusmodi, vel ex culpa Proponentium verbum DEi, vel eorum qui illud recipere debent, existere possunt. Illorum quidem, quatenus vel *dogmatis* vel *dogmatis* in proponendo verbo non rite observant, vel vita & exemplo suo necessitatem ejus dubiam redundunt, adeoque vim ejus, quantum ad ipsos, reprimunt, vel talitem retardant, Jer. XXIII: 22. II Pet. II. Horum autem, quatenus Ipsi caussas vel neglectus, vel perversæ usurpationis & applicationis verbi in se continent. Haec autem Quæ & Quales sint, ab Ipso Salvatore in Parabola Matth. XIII: 3. seq. coll. cum. Luc. VIII: 5. seqq. optime explicantur.

## §. XIII.

## §. XIII.

**N**on quidem desunt Theologi, qui verbum DEI Instrumentum potius quam Medium salutis dicendum volunt, Illis tamen eo minus assentiri convenit, quod periculum sit, ne Vis & Efficacia ipsi competens, sic vel dubia reddatur, vel occulte tollatur. Quod si vero terminus iste adhibetur, necesse omnino est, ut ad evitandam ambiguitatem & periculum, distincte ostendatur, Instrumentum non separatum a Causa Principali, aut mortuum, sed cum ea unitum, indeque Vivum & in se Efficax tum intelligi.

Hic ergo jam subsistere coacti, finem opellæ nostræ imponimus, simul cum S. Davide ex imo pe-  
חָזַקְנִי יְהוָה רְךָן חֲזִקְנָה עָכֶב אַזְרָנָה כְּנָתֵב  
הַכּוֹנִינִי וְאַחֲרַת תּוֹרַתךְ וְאַשְׁמָרָנָה בְּכָל לְבָבְךָ הַדְּרוֹיכָנִי  
מְצֻהָּנִיךְ כִּי בָּו חַפְצָתְךָ: — Psal. CXIX: 33, 34, 35.

S. D., G.

